

Ямде лий



1933 ий 1 февраль годсек лектеш.

«Ушан юнкор» школлаш-вашка



Авторын фотожо.

Ме, «Ямде лий» газет редакцийын паша-енже-влак, республикысе школлашке арня еда манме гаяк вашкена. Газетын эртыме корныжо, кызытсе пашаже, конкурс да проектшешамыч дене палдарена. Тылеч посна ўдыр-рвезе-влак-лан онгай уш-акыл модышым темлена. Тудо «Ушан юнкор» маналтеш. Шернур район Лажъял школышто икымше гана эртаренна. Тушко 5-8-ше класслаште тунемшешамычын (снимкыште) «Марий йоча-влак» да «Висвис» командышт ушненыт.

Йодыш-влак «Ямде лийын» эртыме корныжо, тўн редакторжо-влак, лаштыклаже, лўмлў ег-шамыч дене кылдалтше лийыныт. Кажне йодышын – шке баллже. Эн куштылгылан – 10 балл гын, эн йўсылан – 100. Лўдышкў логалше-влак марла куштенит да муреныт. Иктешлымеке, «Висвис» команде сенгышыш лектын.

– Тыгай модышым икымше гана ужынна. Йодыш-влак онгай, ушым пудыраташ таратыше улыт. Пашам тўшкан ыштен моштыман. Газетын историйжым келгынрак шымлаш, кажне лаштыкшым тўткын лудаш кумыл утларак лекте, – ойленыт ўдыр-рвезе-шамыч.

Х.АЛЕКСАНДРОВА.

ПОДПИСКЕ

«Ямде лий» газетлан кажне тылзын 15-ше числа марте верласе связь отделенийлаште, podpiska.pochta.ru сайтыште возалташ лиеш.

Индекс – П4696.



Палыме да йўратыме

«Ямде лий» ешыштына шукертак палыме да йўратыме. Кугезе ковам икшывыже-влак-лан газетым налын. Авамын аважат тиде йўлам умбакыже шуен. Газет ий гыч ийыш моторештын, у сыным налын. Мыят «Ямде лийым» куанен лудам. Шергалмекем, шольо-шўжарем-влак-лан каласкалем. Пайремет дене, йоча газет!

София КНЯЗЕВА.

Йошкар-Ола, 9-ше номеран школ.



Фотом интернет гыч налме.

2009-2012 ийлаште шочшо ўдыр-рвезе-влак «Пионерская правда» газетын призше верч ече дене тагасымашке ушнен кертыт. Йодмашым 20 февраль марте пуыман. Тагасымаш Корта тунемме да тренировкым эртарыме базыште лиеш.

11 февральыште «Российын ечыгорныжо-2023» всероссийский тўшка тагасымаш 41-ше гана эртаралтын (**снимкыште**). Марий Элысе ечыгорнын тўн площадкыже Звенигово олаште лийын. Медведево, Советский, Волжский, Морко, Курыкмари да моло районла, Йошкар-Ола, Чуваш Республик гыч тўжем наре егече ўмбаке шогалын. Ийготым шотыш налын, спортсмен-влак 2, 5, 10 километрыш куржыныт. Нуным Марий Элым Вуйлатыше Ю.В.Зайцев саламлен. Сенгыше-влак медаль да кубок дене палемдалтыныт.

Е.ИВАНОВА ямдылен.

КОНКУРС

«Ямде лий» газет редакций да «Марий Эл» ГТРК Шочмо элым аралышын кечыже вашеш **«Уста туныктышын – тунемшыже чолга»** сылнымут конкурсым увертарат. Палемдена: тиде конкурсышко **лачрвезе-влак гына ушнен кертыт**. Конкурсышко шонкалымаш сынан сочиненийым, эссе марла возыман. Пашам yamde_lii@mail.ru электрон адрес дене **20 март марте** колтыман. Сенгыше-влакым 1-4-ше класслаште, 5-8-ше класслаште, 9-11-ше класслаште тунемше-влак коклаште палемдена. Нуным чапле пөлек вуча.



Фотом школ архив гыч налме.

Шарнаш кодшо вашлиймаш

Кудымшо классыште кок рвезе да ныл ўдыр тунемына (**снимкыште**). Класс вуйлатышына – Татьяна Николаевна Кириллова. Мыланна руш йылме да литератур, математике, марий йылме, физкультур урок-влак утларак келшат. Ме келге шинчымашым налашак тыршена.

Урок деч вара шуко мероприятий эртаралтеш. Шукерте огыл мемнан деке Марий кугыжаныш филармонийын артистше-влак толыныт. Чапле концертым ончыктеныт. Тыгай вашлиймаш кужу жапнан шарнымашеш кодаш.

6-шо классыште тунемше-влак.

Звенигово, Эсмекпляк.

Российысе увер

Кумылан кажне ег **«Расскази миру о своей Родине»** тўнмбал конкурсышко ушнен кертеш. Шочмо кундем нерген презентацийым ямдылыман але видеороликым войзыман. Йодмашым **20 март марте** колтыман. Тўрыс увер – youthy.ru сайтыште.

1-9-ше класслаште тунемше-влаклан экологий да окружающий мир дене всероссийский онлайн олимпиаде эртаралтеш. Шинчымашым ecomir.uchi.ru сайтыште **27 февраль марте** тергаш лиеш.

Куд ияш да кугурак ийготан ег-влак **«Эти великолепные птицы»** всероссийский конкурсышто мастарлыкыштым терген кертыт. Фотом «ВКонтакте» соцылысе «Эти великолепные птицы» проект/фотоконкурс тўшкаш **15 март марте** верандыман.

Марий Элысе увер

Йошкар-Оласе 19-ше номеран школын хоржо **Вокал да хор коллектив-влакын российысе конкурсыштын заочный йыжыгыштыже** сенгышыш лектын. Конкурс **«Образований»** нацпроектын **«Кажне йочан сенгымашыже»** проект радамыштыже эртаралтын.

6-9 майыште Марий Элышке **«Сказы Поволжья»** турист поезд икымше гана толеш. Турист-влак Марий кундемыште илыше калыкшамычын тўвырашт, йўлашт дене лишкырак палыме лийыт.

28 февральыште

Оршанке посёлкышто йоча да самырык-влаклан **«Кугезе вож»** республикысе фестиваль эртаралтеш. Театр студий, фольклор коллектив, тунемше-шамыч йўлам, калык пайремым модын ончыктат, мурым мурат, шымлыме пашашт дене палымым ыштат.

Сылнымутшо - калык пелен

10 февральште Морко посёлкысо М.Н.Янтемир луммаш литератур да этнографий тоштерыште «Казаков лудмаш - 2023» районысо поэзий конкурс эртаралтын. Пайрем калык поэт, прозаик, кусарыше, журналист Н.И.Казаковын 105 ияш лумгечыжлан пөлеклалтын. Конкурсыш шочмо мари йылмын ямжым шижын моштышо, сылнымутлан шуман витле наре удыр-рвезе чумырген.

Поэзий пайрем Миклай Казаковын илыш корныж нерген палдарыше презентаций дене тунгалын. Калык поэтын шочмо Кучыкэнер ялысе артист-влак М.Казаковын икымше почеламутым возымыжым модын ончыктеныт. Морко посёлкысо Йоча усталык пörтын гармоньчыжо-влак сылне сем дене пайремым сорастареныт.

Ты кечын кум пöлемыште пайрем шүлыш озаланен. Удыр-рвезе-влак «Поэзий», «Прозо» да «Шке возымо почеламут» тагаслаште мастарлыкштым тергеныт. Кажне йоча

артист койышыж дене поэтын сылнымутшым почын ончыкташ тыршен. Йочасадыш коштышо нюга-влакым ужаш поснак куанле лийын. Воспитатель-шамычын шочмо йылмым изинек йораташ кумылангымышт куандарен. Удыр-рвезе-влакын мастарлыкштым аклаш куштылго лийын огыл гынат, эн тале участник-шамычым палемденыт.

«Поэзий» тагасыште 6 ий марте нюга-влак коклаште Морко посёлкысо визымше номеран йочасадыш коштышо Елизавета Иванова сенгышыш лектын. 7-12 ияш-шамыч коклаште Эгерсола школын тунемшыже Мария Николаева ойырте-малтын. Нурумбал школ гыч Руслан



Снимкыште: Иван Александров, Мария Николаева, Ксения Бутенина, Елизавета Яковлева.

Самигуллин 13-16 ияш-влак коклаште чылам ончылтен.

«Прозо» тагасыште 7-12 ияш-влак коклаште Арын школын тунемшыже Елизавета Яковлева да ты школынак тунемшыже Иван Александров 13-16 ияш-шамыч коклаште икымше верым налыныт.

«Шке возымо почеламут»

тагасыште Эгерсола школ гыч Ксения Бутенина сенгышыш лектын.

Е.ИВАНОВА.

Авторын фотожо.

«Ямде лий» газет деч кумылангышы пöлекым Купсола школ пеленысе йочасадыш коштышо Софья Ильиналан кучыктым.

«Якимов лудмаш»

Школыштына «Якимов лудмаш» конкурс эртаралтын. Удыр-рвезе-шамыч мастарлыкштым ончыкташ сайын ямдылалтыныт. 4-ше классыште тунемше Алиса Максимова изирак ийготан-влак коклаште сенгышыш лектын. Кугурак классла коклаште Александра Антропова почеламутым эн сылнын лудын. Мыланем 6-шо классыште тунемше-шамычын Михаил Якимовын мутшылан возымо «Аза малтыме мурым» мурмышт пеш келшен.

Ника СЕМЁНОВА.

Параньга, Матародо.

Синквейн

Класс

Чапле, кугу.

Лудына, шонена, возена.

Мыйын тунемме верем.

Школ.

Аделина ПОЛУШИНА.

Советский, Орша.

21 февраль – Шочмо йылмын тунямбал кечыже.

Умыр йолташ



Кеч-могай калыкын ойырте-малтыше да шкалан келшыше поян йылмыже уло. Йочам шочмо йылмылан изинек шумандыман. Икшывым лудаш да возаш гына огыл, шонка-лаш туныктыман. Йочасадысе программаш мари йылме урокым пуртыман.

Ме ешыште марла кутырена, школышто йолташ-влак дене марла мутланена. Шочмо йылме – умыр йолташ. Кеч-кушто лият гынат, тудо эре пелен: ны ок ондале, ны ок ужале. Ава гай поро кажне шомакше шуметым ырыкта.

Арсений ГЕРАСИМОВ.

Шернур, Лажьял.

«Шонанпыл» куатым ешара

«Мари Эл» телеканалысе «Шонанпыл» йоча передаче самырык тукумым мари йылмылан шумандымаште кугу пашамышта. Шургыял школышто тунемше-влак нергенат тиде передачыште каласкаленыт. «Мари сылнымут савечыште» кружокын пашаж нерген Стелла Кузнецова палдарен. Данил Белков районысо олимпиадыште сенгышыш лекмыж дене кутешнен. Даша Корякова «Рвезе тукум» йоча ушемын пашаж нерген ойлен. Тимофей Новиков, Архип Николаев, Диана Скворцова «Дом без одиночества» проект нерген каласкаленыт. «Шонанпыл» передачыште шкеныштым ужмеке, йоча-влак йывыртеныт. Шочмо мари йылмын сайын палаш кумлым раш умыленыт.

Е.ГРИГОРЬЕВА.

Морко район.



Провой кундемым чапландарынешт

Звенигово район Чакмарий школын тунемшыже-влак Дарья Иванова ден Андрей Харченко (снимкыште) дене республикысе олимпиадыште палыме лийна. Нуно коктынат ИКН предмет дене уш-акылыштым тергышт. Кызытсе самырык тукумын марий калыкын тўвыраже, пайремже-влак нерген шонымашыштым пален налаш манын, когынышт дечат йодым.



Авторын фотожо.

– *Ме марий улмына дене моткоч кугешнена. Ешыштына марий пайремым жаплена. Пеледыш пайремышке куанен коштына. А тушто марий мурым колыштын, марий куштымашым ончен шерна огеш тем. Марий вургемым чийыше ўдыр-рвезе-влак кузе моторын койыт! Икте-весышт дене кутырен колтымышт йоргыктен йогышо палаш вўдым ушештара. Марий ялыште илаш могай пиал!* – чоным почын каласышт Даша ден Андрей. Тыгодым шочмо верым йоратымыштат утыр ши-

жалте. Нуно шочмо кундем-мысе ойыртегалтше верла, кумдан палыме еҥ-влак нерген шымлыме пашам, проектым возат. Конкурслашке ушнат.

– *Уста еҥ-влакым Провой кундемнын шўртньо падырашыже-шамычлан шотлена. Тиде серызе Александр Мичурин-Азмекей, сўретче Георгий Тайгильдин, икымше марий семмастар Иван Ключников-Палантай, спортсменке Татьяна Белкина да ятыр молат. Нуно марий калыкын ончыкылыкшо верч чот тыршенят да тыршат. Мемнан туку-*

Андрей республикысе олимпиадыште 9-ше классыште тунемше-влак коклаште икымше верым сенен налын.

мат тыгай лийшаш. Садланме, проектым возен, йолташина-влаккан палдарынена, – ойлат чолга ўдыр ден рвезе.

Андрей тўрлө компьютер программыв мастарын кучылт мошта. Шочмо кундемжым, марий тўвырам интернетыште чапландарынеже. Тек тыгай ўдыр-рвезе-влак шукынрак лийыт.

Х.АЛЕКСАНДРОВА.

Арын села

Мый Арын селасе Черке уремыште илем. Селанам палаш корем кок ужашлан шелеш. Палашыште вўдшў моткоч яндар да тамле. Тушко селасе калык вургемым шўалташ коштеш. Села деч тораште огыл чодыра кушкеш. Тушто меран, шоншо, рывыж илат. Тиде чодыраште ме понгым погена. Арын селаште пеш поро калык ила.

Гавриил АЛЕКСАНДРОВ.
Морко район.

Тошто йўледўр ялем

Эн йоратыме кундем – Шочмо-кушмо вершўрем. Тыште мые шочынам, «Аваем» пелештенам.

Шочмо-кушмо вершўрем, Эн йоратыме ялем, Конга пайрем ден саламлем, Тошто йўледўр ялем!

Аня АНДРЕЕВА.

Кужэгер район.

Йўратем ялысе илышым. Яндар юж, йырваш ужар тўс. Илышыжат ала-кузе тичмашынак чучеш.

Ю.АРТАМОНОВ.

Шўлыкан сўрет

Кочам ден ковамнын шочмо ялышт – Айбакнур. Морко посёлко деч шым менге тораште верланен. Айбакнур ожно пеш кугу ял лийын. А кызыт йўршеш шўлыкангын: тошто пўрт-влак озаштым вучат, пече менге-шамыч тырын-турын камвозын пытенят, уремыште ик еҥымат от вашлий. Тыгай сўретым ужын, чон коржеш. Марий ялын пўрымашыже тыгай лийшаш мо?

Анастасия СТЕПАНОВА.
2-шо номеран Морко школ.



Сўрал верыште илена

Упшер школ лапыште Икш лук ер уло. Тушеч шуко икса йога. Иксаште вўд телымат огеш кылме. Тиде вереш лудо-влак илаш кодыт. Ме, авам, акам да мый, нуным шотлен, «Серая Шейка-2023» всероссийский акцийышке ушнена. Школ деч деч тораште огыл тыгак Шемўер уло. Тушко ме ече дене коштына. Ерын, Элнет энгерын, палашын моторлыкыштым идалык мучко эскерена. Кажне гана эре ойлена: «Ах, могай сўрал верыште илена!»

Марина СТЕПАНОВА.

Волжский район.

К	О	Э	Л	Н	Е	Т	Ч	Е	Э
О	Л	Е	Б	Л	Я	К	Е	Р	Л
П	У	Е	Р	Н	У	Р	В	М	П
А	С	А	Б	А	Н	У	Е	У	А
Й	О	Н	У	Ч	И	Н	Р	Ч	Н
У	С	О	Л	А	Н	У	Й	А	У
К	О	Ш	П	А	Й	Н	У	Ш	Р
О	Л	О	Р	Л	А	Ж	Л	У	О
Н	О	Д	Э	Ш	Ы	М	А	Т	Н
М	А	Т	А	Р	О	Д	О	Р	У

Параньга районышто верланыше ял-влакын лўмыштым муза.


Артистла кертеш

Икшывын койыш-шоктышыжо, пұрымашыже лұм деч шога, маныт. Тидлан Башкортостан Республик Краснокам район Арлан ял гыч Эрика Александрован (снимкыште) ача-аваже моткоч ұшанат. «Эрика» поро кумылан, элым вуйлатыше семын кусаралтеш. Ёдырын тыгай койыш-шоктышыжо изинек палдырна.

Вич ияш Эрика верысе «Берёзка» йочасадыш коштеш. Чолга койышыж дене ойыртемайтеш. Йочасадыште да районышто эртаралтше конкурслаште мастарлыкшым ончыкта. Почеламутым сылнын лудаш поснак йората. Сеңымашыжат уло. Йомакым каласкалаш кумылан. Ик эн йоратымыже «Мераңын пөртшө».

Эльфис Гараевын марий мурыжо-влакым чүктет гын, Эрика чарныде кушта. «Артистлак кертеш», – ойлат ача-аваже.

Х.АЛЕКСАНДРОВА.



Фотомеш архив гыч налме.

Йоч тәрзатым,
мјндыр тос!



Чодыра ила

Тамле кочкышым поген,
Вачыш котомкам сакен
Тарваненна чодыраш,
Тудын йўкшым колышташ.

Чодыра ила улмаш,
Вийже ятырак шўлаш.
Кайык йўк ден кутыра,
А осал еңлан сыра.

Чодыра мотор, поян,
Омак ойло мый шоям.
Тушто шуко, тич саска,
А озаже – шем маска.

Марианна ЯНДУБАЕВА.
Башкортостан, Мишкан,
Тынбай.

Йўштө теле –
сылне пагыт,
Лумжо, лумжо чылт
шўй дангыт.
Курык вуйыш чон шупшеш,
Йолташем ўжаш кўлеш.
Ярослав ВАСИЛЬЕВ.
Татарстан, Агрыз, Буймо.

М Пангрот – агыра.



Фотомеш архив гыч налме.

Ачам – ял оза

Эдуард Михайловым (снимкыште) Пелемеш ялын ик эн тале пөръенже, озаже манаш лиеш. Тудо ялысе кечмогай йодышым рашемдаш, ой-канапым пуаш ямде. Ик мероприятият тудын деч посна огеш эртаралт. Эдуард Иванович спортышто, тунемаште, мер пашаште изи годсек эре ончылно лийын. Колхозым латвич ий вуйлатен, ныл ий школ директорлан пашам ыштен, Буймо ял шотан илемын вуйлатышыже лийын. Тудо «Мари лыжня», «Пелемеш ечыгорно» тагасымаш-влаклан, «Марий кас» мероприятийлан тўналгышым пыштен. Эн тўнжө – тудо мыйын ачам. Моткоч кугешнем да йоратем.

Ирина МИХАЙЛОВА.

Татарстан, Агрыз.

М Тәкия – орьенгын
вуеш шындыме сōрас-
тарыме ўзгарже.

Мутерым филологий шанче
кандидат **А.А.ИЛИЕВА**
ямдылаш полшен.

Марий йылме да сылнымут арня годым «Усталык памаш» фестиваль эртаралтын (снимкыште). 1-4-ше класслаште тунемше ўдыр-рвезе-влак йомак-шамычым марла модын ончыктенит. 1-ше класс – «Ревым», 2-шо класс – «Ола чывым», 3-4-ше классла туныктышышт дене пырля – «Чыве, коля да кўдыр» йомакым. 5-8-ше класслаште тунемше-влаклан кугурак пашам ўшанаме. Нуно изирак ийготан-шамычым марий

пайремла дене палдаренит. Марий вургемым чиенит, сценым моторын сōрастаренит, келшыше семым ойыренит. Икманаш, икмын-няр шагат марий сымктыш ерыште «ийыныт».

А.ВАСИЛЬЕВА.
Одо, Карагөл,
Ныргындыш.

Сымыктыш ерыште «ийыныт»



Фотом школ архив гыч налме.

КЕ-КЕ-РЕК-
КРЕ-Е-ЕК!



Мыскара лаштык

Поктен шуын огытыл

– Авай, таче мыланна школышто прививкым ыштеныт! – пörтыш пуренгына шогальым да куанен ойлаш тўналым.

– Пеш йывыртыше улат. Шонем, тыйын чыла сай. Ёдырем, тылат моткоч ўшанем, шортын отыл чай? – палынеже аваем.

– Уке, авай, нуно мыйым поктен шуын огытыл! – умылтарышым тудлан.



Котомка сырен

Утунемме ийлан авам у сумкам налын пуыш. Ик сылне теле кечын йолташем дене курыкыш мунчалташ каяш кутырен келшышна. Рюкакым «кычкен», шер теммеш мунчалгышна. Вара, котомканам кышкылт-кышкылт, мөнгө ошкылна.

Сургыштат тудо уто лие, өрдыжыш кудалтышым. Кас кочкышым ыштышым да малаш возым. Эрлан сумкам йомо. Ала-кушко куржаш йолжат уке! Моткоч өрынам. Сырен мо? Опкелалтын улмаш. Тидын нерген авам ойлыш.

Титакемым умылымеке веле, рюкзакем пörтыльö. Уф-ф.

Ульяна ТАНЫГИНА.



Мыйын школыш коштмо сумкамын лүмжö – Ушакыл. Ик кечын тудо мыланем сырен. Мый сумкашке кинде шултышым пыштенам. Тудыжо пудырген йоген. Ушакыллан тиде келшен огыл. Сумкам мый денем мутланымым чарнен. Эсогыл тетрадь ден книга-влакым луктын оптен.

Йоңылышемем төрлаш шонен пыштышым. Сумкамым эрыктышым да мыйым проститлаш йодым. Ушакыл дене сörасышна.

Антон КУЧЕРГИН.

Шернур, Кукнур.

– Доска ончыко кө икымше лектеш, тудлан ик баллан кугурак отметкым шындем, – ойла Марья Ивановна.

– Ошкылам, мылам «нылытаным» шындыза! – парт кокла гыч төршталтен лекте Мичу.

Оза – агытан

Эр эрдене агытан Муралта: «Шагал малман!» Кугешнен коштеш кок век: – Пашада кодеш, кек-кек.

Чывылан – эн тўн оза:

Йырже нуным погалта.

– Икыт, кокыт... – шотлалеш.

– Почешем айста, – манеш.

Егор ВАСИЛЬЕВ.

Волжский, Пöтъял.

Изи «сар»

Кö кредалын огыл

изи годым?

Монденат, кузе йоген вүрет.

То пуртет капкашке

уто голым,

То йолташын

мечыжым шүтет.

Шогена вот коктын агытанла:

Пересвет – мый,

весе – Челубей.

Йыр шогат йолташ-влак

чылт судьяла,

Кычкырат:

«Сайракын кыре! Бей!»

Кöжö көм сенен кертеш –

онайыс.

Икте-весым пеныж лочкена.

Эскера монча ўмбач

пörткайык,

Рокушто кузе пörдалына.

«Тушманем» маска гай

күжгö рвезе

Да коя маскалак муньырий.

Мыйже вичкыж,

ур гаяк полмезе,

Мо вара,

нюмыртылаш ок лий?

Нöштылна пуракым

ятыр пагыт,

Вүд олмеш йоген

вет пүжвүдна.

Пыштышым пытартышлан

«лопаткыш».

Пале мыйым, ит пиж вескана.

Сеңымашлан куанем

вел чүдö:

Ну кузе миен

пураш мөнгем?

Ўштылаш лиеш кеч

шинчавүдым,

Куш шылташ

кушкедме тувырем?

Н.ЗОЛОТАРЁВ.

Кужэгер район.



13 январьыште В.Юксернын шочмыжлан 105 ий темын.

Серызын ильшыже да усталык корныж почеш тест.

1. *Василий Юксернын чын лўмжӧ.*

А)Василий Степанович Столяров. Б)Василий Степанович Юксерн. В) Василий Кириллович Столяров.

2. *Серызын шочмо верже.*

А)Морко район Олыкъял. Б)Медведево район Кугу-сола. В)Марий Турек район Арбор.

3. *Могай ийыште возаш тўналлын?*

А)1936 ий. Б)1929 ий. В)1937 ий.

4. *«Атаманыч» повестыше могай ийыште савыкталтын?*

А) 1949 ий. Б) 1945 ий. В) 1951 ий.

5. *Могай повестышылан Марий АССР-ын кугыжаныш премийже дене палемдалтын?*

А) «Вўдшӧ йога – серже кодеш». Б) «Вўдшӧ келге, серже тура». В) «Чарла»

Елена СТЕПАНОВА.

Морко, Эгерсола.



тыгай усталык пашам ыштенят.

Шернур район Кукнур школын тўналтыш класслаштыже «4» ден «5» отметкылан тунемше-влак У Торъял посёлкысо «Успех» кино-театрышке «Чебурашка» кинофильмым ончаш миенкта **(снимкыште)**. Чылалан пеш келшен. Кумшо классыште тунемше-влак

Т.КОНАКОВАН фотожо.

18 февраль – Батарейкын кечыже.

Ик батарейке аярта:

- ✓ кок сокырголям;
- ✓ ик шоншым;
- ✓ кок пушентгым;
- ✓ икмыняр тўжем йылым.

Батарейкым кышкылтман огыл. Погыман да перерабатыватлыше заводыш колтыман.



Калык пале

→ Иўштӧ лийшаш деч ончыч пий оптымо, мутланыме йўк мўндыркӧ шокта.

→ Пий нержым йымакыже шылта – йўштӧ толшашым шижтара.

→ Тылзе сергам чия – йўк-шемда.

10 февральыште Россияшты руш кугу поэт А.С.Пушкиным шарныме кече эртаралтын. Волжский район Пӧтъял школышто тунемше-влак Александр Сергеевичын тўрлӧ йомакше почеш сўретлам келыштареныт. Йоча-влак, палыза, сўрет могай йомак гыч?



Лиана ФЁДОРОВАН сўретше.

Волжский, Пӧтъял.

М.ШКЕТАН ЛЎМЕШ МАРИЙ КУГЫЖАНЫШ ДРАМЕ ТЕАТР	
19 фев 16:00	М.Медикован усталык касше МЫЙЫН ИЛЫШЕМ - ТЕАТР Жизнь моя - театр 12+
22 фев 18:00	В.Пектеев ЙӖРАТЫМАШЫН АКШЕ Комедий 12+ Цена любви
23 фев 11:00	А.Чупин ВОЛШЕБНАЯ ЛАМПА АЛАДДИНА Музыкальная сказка 6+
23 фев 16:00	С.Строганова да М.Почтенева ШӰДЫР ЙӖР Концерт 12+ Звёздный дождь
24 фев 18:00	А.Волков ОРЪЕН МЕЛНА Комедий 12+ Свадебные блины

SHKETAN.RU Рекламе. ☎ 78-13-78

«Ямде лий» газет
Тўн редактор
Л.Н.ГРИГОРЬЕВА.
Индекс: П4696.
Тираж 1550 экз. Заказ
Формат – А-4-8.

https://vk.com/yamde_lii
https://t.me/yamdellii
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше: ямделий.рф

УЧРЕДИТЕЛЬ:
Марий Эл Республикысе
культур, печать да
калык-влакын пашашт
шотышто министерстве.

Газетым редакцийыште
погымо да версталыме,
«Марий Эл Республикысе
Правительствын типографийже» ООО-што ямде
оригинал-макет гыч савыктыме. Типографийын
адресше: 424000, Йошкар-Ола, Комсомольский урем, 112.

Газетым Кыл, информационный технологий да массовый коммуникаций сферым эскериме шотышто федеральный службын Юл кундем федеральный округысо управленийыштыже регистрироватлыме.
Номер – ПИ № ТУ52-01335,
2021 ий 29 сентябрьыште пуымо.

0+
Печатьыш пуымо жап –
14-00,
фактически – 13-00

Авторын да редакцийын шонымышт тўрлӧ лийын кертыт. Серыш-влак мӧнгеш огыт колталт.
Ак – кутырен келшыме почеш.
Редакцийын да издательнын адресше:
424006, Йошкар-Ола, СССР Вооружённый Вийын 70-ше идалькыше урем, 20-шо пӧрт.
Тел. 8(8362) 45-22-82(факс).

КОНКУРС




Захар НИКИШОВ.
Йошкар-Ола.



Сергей ПЯТАЕВ.
Медведево, Новый посёлко.




Ярослав ЧЕМЕКОВ.
У Торъял, Немда.



Келшыше тумышым муза.


Мичу кидшым кок могырыш шаралтыш. Шолаште – вич тенгеаш окса, пурла кидыштыже – тыгаяк. Нине окса-влакым кидым лишемдыде ушен кертеш мо?



Пайдале каньш

Теле. Пушенгевлак пörшангыныт. Эгерым күжгö ий леведын. Йоча-влак курык гыч ече дене мунчалтат. Коньким «кычкат» да ий үмбак вашкат. Пүртүс лонгаште жапым көн пайдалын эртарымыже огеш шу?!

Егор БЕЛУГИН.
Медведево, Куяр.



Шомак-влакым мари йылмыш чын кусарыза.
1.Белый гриб. 2.Окунь. 3.Вперёд. 4.Белый. 5.Грудь.

Даша САДОВИНА.
Советский, Öрша.



8 ойыртемым кычалза.



Күшыч үлыкө:

- 1)5711+3070 2)11130:3 3)6375-2938 4)1683+946 6)9835-6117 8)124366:2 10)10197+10000 11)28*4 12)300+334 16)8402+987 17)1849*4 18)4302-2564 19)106544-98725 20)2222+527

Шола гыч пурлашке:

- 1)6999+1634 3)11436:3 5)226032:3 7)400*4 9)1608+6021 11)62*3 13)133+948 14)17105:5 15)49*6 17)3001+4320 19)3736+3436 21)30100+851 22)10900-4602 23)10001-762

Н.ТОКТАРОВА ямдылен.